

গণপ্রজাতন্ত্রী বাংলাদেশ সরকার
মাধ্যমিক ও উচ্চ শিক্ষা বিভাগ, শিক্ষা মন্ত্রণালয়
বেসরকারি শিক্ষক নিবন্ধন ও প্রত্যয়ন কর্তৃপক্ষ (NTRCA)
রেড ক্রিসেন্ট বোরাক টাওয়ার (৪র্থ তলা)
৩৭/৩/এ, ইস্কাটন গার্ডেন রোড, রমনা, ঢাকা-১০০০
www.ntrca.gov.bd

বেসরকারি শিক্ষক নিবন্ধন ও প্রত্যয়ন কর্তৃপক্ষ কর্তৃক “অষ্টাদশ শিক্ষক নিবন্ধন পরীক্ষা-২০২৩ এর লিখিত পরীক্ষার উত্তরপত্রসমূহ মূল্যায়ন বিষয়ক কর্মশালা-২০২৪ এর প্রতিবেদন।

উদ্বোধন পর্ব:

বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ) কর্তৃক আয়োজিত “অষ্টাদশ শিক্ষক নিবন্ধন পরীক্ষা-২০২৩ এর লিখিত পরীক্ষার উত্তরপত্রসমূহ মূল্যায়ন নিমিত্ত প্রধান পরীক্ষকগণের সমন্বয়ে গত ১২ ও ১৩ আগস্ট, ২০২৪ তারিখে অষ্টাদশ শিক্ষক নিবন্ধন পরীক্ষা-২০২৩ এর লিখিত পরীক্ষার উত্তরপত্রসমূহ মূল্যায়ন বিষয়ক অবহিতকরণ কর্মশালা-২০২৪ অনুষ্ঠিত হয়। উক্ত কর্মশালা প্রধান অতিথি হিসেবে উপস্থিত ছিলেন জনাব মোঃ সাইফুল্লাহিল আজম (অতিরিক্ত সচিব), চেয়ারম্যান, এনটিআরসিএ। সভাপতিত্ব করেন জনাব মুহম্মদ নূরে আলম সিদ্দিকী (যুগ্মসচিব), সদস্য (শিক্ষাতত্ত্ব ও শিক্ষামান), এনটিআরসিএ। আলোচক হিসেবে জনাব মো: আবদুর রহমান (যুগ্মসচিব), পরিচালক (পরীক্ষা মূল্যায়ন ও প্রত্যয়ন), এনটিআরসিএ ও জনাব কাজী কামরুল আহছান, পরিচালক (শিক্ষাতত্ত্ব ও শিক্ষামান) এনটিআরসিএ কর্মশালা উপস্থিত ছিলেন। কর্মশালায় উপস্থিত ছিলেন “অষ্টাদশ শিক্ষক নিবন্ধন পরীক্ষা-২০২৩ এর লিখিত পরীক্ষার উত্তরপত্রসমূহ মূল্যায়নে মনোনয়নকৃত পরীক্ষক ও প্রধান পরীক্ষকগণ।

সচিব, এনটিআরসিএ অবহিতকরণ কর্মশালার শুরুতে কর্মশালা উপস্থিত সকলকে স্বাগত জানিয়ে বক্তব্য প্রদান করেন। অতঃপর তিনি কর্মশালা পরিচিতি পর্ব পরিচালনা করেন। পরিচিতি পর্ব শেষে তিনি তার শুভেচ্ছা বক্তব্যে সম্মানিত প্রধান অতিথিসহ সকলকে সাদর সম্বাধন ও শুভেচ্ছা জানিয়ে কর্মশালা আয়োজনের প্রেক্ষাপট তুলে ধরেন। তিনি এনটিআরসিএ-এর সূচনালগ্ন থেকে এ পর্যন্ত সম্পাদিত কার্যক্রম সম্পর্কে কর্মশালায় একটি সংক্ষিপ্ত ও তথ্যভিত্তিক ধারণা উপস্থিত সকলকে অবহিত করেন।

প্রধান অতিথি জনাব মোঃ সাইফুল্লাহিল আজম (অতিরিক্ত সচিব), চেয়ারম্যান, এনটিআরসিএ তার উদ্বোধনী বক্তব্যে কর্মশালা উপস্থিত সকলকে স্বাগত জানিয়ে তার বক্তব্য প্রদান করেন। তিনি তার বক্তব্যের শুরুতে শিক্ষার মানোন্নয়নে শিক্ষা প্রতিষ্ঠান ও শিক্ষকের গুরুত্ব এবং ভূমিকা তুলে ধরেন। তিনি এনটিআরসিএ-এর শিক্ষক নিবন্ধন পরীক্ষা ও নিয়োগ সুপারিশ কার্যক্রমের কার্যকর ভূমিকা সম্পর্কে অবহিত করেন।

বেসরকারি শিক্ষা প্রতিষ্ঠানসমূহে যোগ্য ও দক্ষ শিক্ষক নিয়োগ দানের মাধ্যমে শিক্ষার সার্বিক মান উন্নয়নের লক্ষ্যে ২০০৫ সালে বেসরকারি শিক্ষক নিবন্ধন ও প্রত্যয়ন কর্তৃপক্ষ আইন, ২০০৫ (২০০৫ সনের ১নং আইন) এর আলোকে এ কর্তৃপক্ষ প্রতিষ্ঠা লাভ করে। বর্ণিত আইন অনুযায়ী এটি একটি সংবিধিবদ্ধ কর্তৃপক্ষ। এনটিআরসিএ’র উদ্দেশ্য হলো দেশের বেসরকারি শিক্ষা প্রতিষ্ঠানের (স্কুল, কলেজ, মাদ্রাসা ও কারিগরি) সামগ্রিক শিক্ষার মানকে উন্নত করার প্রয়াসে বেসরকারি শিক্ষা প্রতিষ্ঠানসমূহে যোগ্য ও দক্ষ শিক্ষক নিয়োগের লক্ষ্যে দেশব্যাপী প্রতিযোগিতামূলক শিক্ষক নিবন্ধন পরীক্ষা গ্রহণের মাধ্যমে মেধাভিত্তিক শিক্ষক বাছাই নিশ্চিতকরণ। সারা দেশের বেসরকারি শিক্ষা প্রতিষ্ঠানে এন্ট্রি লেভেলের শূন্য পদসমূহে শিক্ষক নিয়োগের লক্ষ্যে যোগ্য ও মেধাবী শিক্ষকদের প্রতিযোগিতামূলক পরীক্ষার মাধ্যমে নিবন্ধন ও প্রত্যয়ন প্রদান করে এবং কেবলমাত্র নিবন্ধন ও প্রত্যয়ন প্রাপ্তদের মধ্য হতে মেধারভিত্তিতে নিয়োগের জন্য সুপারিশ প্রদান করে। সম্পূর্ণ অটোমেশন পদ্ধতিতে অনলাইনে প্রার্থীদের আবেদন গ্রহণ করে নিবন্ধন ও প্রত্যয়ন এবং নিয়োগ সুপারিশের কার্যক্রমটি পরিচালনা করা হয়। শিক্ষা মন্ত্রণালয় হতে গত ৩০ ডিসেম্বর, ২০১৫ তারিখের ৩৭.০০.০০০০.০৭১.০৮.০০৮.০৫(অংশ)-১০৮১ সংখ্যক স্মারকে জারিকৃত বেসরকারি শিক্ষা প্রতিষ্ঠানে শিক্ষক নিয়োগে অনুসরণীয় পদ্ধতি বিষয়ক পরিপত্রের মাধ্যমে বেসরকারি শিক্ষা প্রতিষ্ঠানে এন্ট্রি লেভেলে (স্কুল, কলেজ, মাদ্রাসা ও কারিগরি) শূন্য পদের বিপরীতে শিক্ষক নিয়োগ প্রদানের সুপারিশকরণের দায়িত্ব বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ)-কে অর্পণ করা হয়। এনটিআরসিএ সৃষ্টিকাল থেকেই তার উপর অর্পিত দায়িত্ব অত্যন্ত গুরুত্বের সাথে পালন করে আসছে। এনটিআরসিএ ২০০৫ সাল হতে ২০২৩ সাল পর্যন্ত ০১টি বিশেষ শিক্ষক নিবন্ধন পরীক্ষাসহ ১৮টি

শিক্ষক নিবন্ধন পরীক্ষা সম্পন্ন করেছে। ২০১৬ সাল থেকে নিবন্ধন ও প্রত্যয়ন প্রাপ্তদের মধ্য হতে মেধা ও পছন্দক্রমের ভিত্তিতে এন.টি.আর.সি.এ. সম্পূর্ণ অটোমেশন পদ্ধতিতে সফটওয়্যারের মাধ্যমে নিয়োগ সুপারিশ কার্যক্রম পরিচালনা করে আসছে। এ পর্যন্ত এন.টি.আর.সি.এ. ০৪ টি গণবিজ্ঞপ্তি এবং বিশেষ নিয়োগবিজ্ঞপ্তির মাধ্যমে মোট ১,১৩,৩৩১ জন প্রার্থীকে শিক্ষক পদে অত্যন্ত স্বচ্ছতার সাথে নিয়োগ সুপারিশ করেছে। গত ৩১ মার্চ, ২০২৪ তারিখে ৩৭.০৫.০০০০.০১১.০১.০০১.২৪-৮৩ সংখ্যক স্মারকের মাধ্যমে ৯৬,৭৩৬ টি এমপিওভুক্ত শূন্য পদ পূরণের লক্ষ্যে পঞ্চম নিয়োগ বিজ্ঞপ্তি প্রকাশ করা হয়। ১৭ এপ্রিল, ২০২৪ তারিখ হতে ০৯ মে, ২০২৪ তারিখ পর্যন্ত সর্বমোট ২৩,৯৩২ জন প্রার্থী আবেদন করেছেন এবং গত ১১ জুন, ২০২৪ তারিখে ২২০৩৩ জন প্রার্থীকে প্রাথমিকভাবে নিয়োগ সুপারিশ করা হয়েছে।

২য় পর্ব:

চেয়ারম্যান, এনটিআরসিএ কর্মশালার দ্বিতীয় পর্বে শিক্ষক নিবন্ধন পরীক্ষার ধাপসমূহ উপস্থাপন করেন। কর্মশালার মূল প্রবন্ধ উপস্থাপনের পর সংক্ষিপ্ত আলোচনা হয়।

জনাব কামরুল আহছান, পরিচালক (শিক্ষাতত্ত্ব ও শিক্ষামান) এনটিআরসিএ শিক্ষক নিবন্ধন পরীক্ষা এবং নিয়োগ সুপারিশকরণ কার্যক্রম সম্পর্কে স্বচ্ছ ধারণা প্রদানের জন্য মূল প্রবন্ধ উপস্থাপককে ধন্যবাদ জ্ঞাপন করেন। তিনি বলেন, ২০০৫ সালে প্রতিষ্ঠিত এ প্রতিষ্ঠানটি ইতোমধ্যে একটি নির্ভরযোগ্য প্রতিষ্ঠান হিসেবে পরিচিতি লাভ করেছে। এ ধারা অব্যাহত রাখতে হলে সামনের দিনগুলোতে শিক্ষক নিবন্ধন পরীক্ষা এবং নিয়োগ সুপারিশ কার্যক্রমে আরও গতিশীলতা আনয়ন করতে হবে এবং সেবা প্রত্যাশীদের সেবার মান উন্নয়নে পদক্ষেপ গ্রহণ করতে হবে। নিয়োগ সুপারিশ কার্যক্রমে যে জটিলতা রয়েছে তা সমাধানের প্রয়োজনীয় কার্যক্রম গ্রহণ করা প্রয়োজন। এ সংক্রান্ত সমস্যা সমাধানের জন্য বিভিন্ন অংশীজনের অংশগ্রহণে আরও সভা ও সেমিনার আয়োজন অব্যাহত রাখতে হবে। কর্মশালা উপস্থিত অংশীজনের উপস্থিতির জন্য ধন্যবাদ জ্ঞাপন করেন।

আলোচক জনাব মোঃ আবদুর রহমান (উপসচিব), পরিচালক (পরীক্ষা মূল্যায়ন ও প্রত্যয়ন), এনটিআরসিএ কর্মশালায় উপস্থিত সকলকে স্বাগত জানান। তিনি বলেন যে, শিক্ষক নিবন্ধন পরীক্ষা গ্রহণ ও প্রত্যয়ন বিধিমালা, ২০০৬ অনুযায়ী শিক্ষক নিবন্ধন পরীক্ষার চূড়ান্ত ফলাফল প্রকাশের পূর্বে বেসরকারি শিক্ষা প্রতিষ্ঠান হতে শূন্য পদের তথ্য নেয়া হয়। তিনি বলেন বিগত ১৫/০৩/২০২৪ তারিখে অষ্টাদশ শিক্ষক নিবন্ধন প্রিলিমিনারি পরীক্ষা অনুষ্ঠিত হয় এবং ১৫/০৫/২০২৪ তারিখে উক্ত প্রিলিমিনারি পরীক্ষার ফলাফল প্রকাশিত হয়। উত্তীর্ণ প্রার্থীদের লিখিত পরীক্ষা গত ১২ ও ১৩ জুলাই ২০২৪ তারিখে অনুষ্ঠিত হয়। উক্ত লিখিত পরীক্ষার উত্তরপত্র পরীক্ষকগণের নিকট বিতরণ করা হবে। বিষয়ভিত্তিক পরীক্ষকগণের মূল্যায়ন পদ্ধতি পর্যবেক্ষণ ও সঠিকভাবে মূল্যায়ন নিশ্চিত করণের নিমিত্তে প্রধান পরীক্ষকগণকে নির্বাচন করা হয়েছে। পরীক্ষকগণের উত্তরপত্র মূল্যায়নের পদ্ধতি, মূল্যায়নের সময়সীমা এবং পরীক্ষকগণের নিকট উত্তরপত্র নম্বর প্রদান সম্পর্কে অবহিত করেন। প্রধান পরীক্ষকগণ কর্তৃক তাদের নির্ধারিত কাজ সম্পাদনের পর নির্দিষ্ট সময়ের মধ্যে এনটিআরসিএ কার্যালয়ে ওএমআর জমা প্রদানের সকল পদ্ধতি সম্পর্কে আলোচনা করেন।

কর্মশালার প্রধান অতিথি আমন্ত্রিত সকল পরীক্ষক ও প্রধান পরীক্ষকগণকে ধন্যবাদ জ্ঞাপন করেন। তিনি এনটিআরসিএ-এর কার্যক্রম সম্পর্কে প্রচার ও গণসচেতনতা বৃদ্ধির জন্য সকলের সহযোগিতা কামনা করেন।

সভাপতি সকল আমন্ত্রিত অতিথি, অংশগ্রহণকারী ও এনটিআরসিএ-এর সকল কর্মকর্তা ও কর্মচারীকে ধন্যবাদ ও কৃতজ্ঞতা জানিয়ে কর্মশালার সমাপ্তি ঘোষণা করেন।

—দীন মোস্তফা
২৪/০৬/২০২৪
(প্রফেসর দীন পারভীন)

উপপরিচালক (পরীক্ষা মূল্যায়ন ও প্রত্যয়ন)

ও

ফোকাল পয়েন্ট (সেবা প্রদান প্রতিশ্রুতি)

এন.টি.আর.সি.এ., ঢাকা